

**Grad Novi Pazar**  
**Skupština grada**  
**Odbornička grupa SDA Sandžaka**  
**Novi Pazar**  
**24. oktobra 2021. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O USAGLAŠAVANJU NACIONALNE STRUKTURE ZAPOSLENIH U REPUBLIČKIM ORGANIMA, SLUŽBAMA I INSTITUCIJAMA NA TERITORIJI GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 25. oktobra 2021. godine.

**Predsjednik odborničke grupe**  
Ahmedin Škrijelj

## **PRIJEDLOG**

Na osnovu člana 20. stav 1, tačka 10), člana 32. stav 1, tačka 20), člana 79. stav 1 i 2, Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1, tačka 25), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 25. oktobra 2021. godine, donosi

### **O D L U K U**

#### **o usaglašavanju nacionalne strukture zaposlenih u republičkim organima, službama i institucijama na teritoriji Grada Novog Pazara**

##### **Član 1.**

Skupština Grada Novog Pazara zahtjeva da se nacionalna struktura zaposlenih u republičkim organima, institucijama i službama sa javnim ovlaštenjima, koji rade i djeluju na teritoriji Grada Novog Pazara, usaglasi sa nacionalnom strukturom stanovništva u Gradu Novog Pazaru.

##### **Član 2.**

Skupština grada Novog Pazara poziva Vladu Republike Srbije i druge organe javne vlasti u Republici Srbiji da, shodno svojim zakonom propisanim nadležnostima, bez odlaganja pristupe realizaciji zahtjeva iz člana 1. ove odluke.

##### **Član 3.**

Ovu odluku dostaviti Vladi Republike Srbije.

##### **Član 4.**

Ovu odluku objaviti u “Službenom listu grada Novog Pazara”.

### **SKUPŠTINA GRADA NOVOG PAZARA**

Broj:

U Novom Pazaru, \_\_\_\_\_. \_\_\_\_\_. 2020. godine

#### **PREDSJEDNIK**

Dr. Anela Šemsović

## **O B R A Z L O Ž E N J E:**

### **Pravni osnov za donošenje odluke:**

Pravni osnov za donošenje ove odluke sadržan je u:

- članu 20. stav 1, tačka 10), Zakona o lokalnoj samoupravi;
- članu 32. stav 1, tačka 20), Zakona o lokalnoj samoupravi;
- članu 79. stav 1 i 2 Zakona o lokalnoj samoupravi;
- članu 15. stav 1, tačka 25) Statuta grada Novog Pazara;
- članu 147. Statuta grada Novog Pazara; i
- članu 137. Poslovnika Skupštine grada Novog Pazara.

### **Razlozi za donošenje odluke:**

Ustavom Republike Srbije, tačnije članom 77. propisano je da se pri zapošljavanju u državnim organima, vodi računa o nacionalnom sastavu stanovništva i odgovarajućoj zastupljenosti pripadnika manjinskih naroda.

Nacionalni sastav zaposlenih u republičkim organima, institucijama i službama sa javnim ovlaštenjima u Gradu Novom Pazaru ne odgovara nacionalnoj strukturi stanovništva, te je isti potrebno uskladiti.

Broj Bošnjaka zaposlenih u republičkim organima, institucijama i službama sa javnim ovlaštenjima nije proporcionalan učešću Bošnjaka u ukupnom broju stanovnika u Gradu Novom Pazaru.

Imajući u vidu naprijed navedeno donošenjem ove odluke, Skupština grada Novog Pazara iskazuje svoju opredijeljenost ka uspostavljanju vladavine prava i ističe spremnost da se na suštinski način posveti ispunjenju svoje zakonom propisane obaveze da se stara u ostvarivanju prava Bošnjaka i preuzme brigu o njihovom sveukupnom položaju i statusu u Gradu Novom Pazaru.

### **Objašnjenje pojedinih rješenja propisanih ovom odlukom:**

**Član 1:** Utvrđeno je predmet odluke odnosno istaknut je zahtjev za usaglašavanjem nacionalne strukture zaposlenih u republičkim organima, institucijama i službama sa javnim ovlaštenjima koje rade i djeluju na teritoriji Grada Novog Pazara sa nacionalnom strukturom stanovništva u Gradu Novom Pazaru.

**Član 2:** Ovim članom Skupština grada traži od Vlade Republike Srbije i drugih organa javne vlasti, da shodno svojim zakonom propisanim nadležnostima i ovlaštenjima realizuju zahtjev istaknut u članu 1. Odluke.

**Član 3:** Ovim članom je utvrđena obaveza dostavljanja ove Odluke Vladi Republike Srbije.

**Član 4:** Propisana je obaveza objavljivanja u „Službeni list grada Novog Pazara“.

**Finansijska sredstva za sprovođenje ove odluke nisu potrebna.**